

tationem minime patitur canonum disciplina. Canon 33. editus ab Eugenio II. saeculo Ecclesiae nono intelligendus est justa disciplinam illius etatis. Nimis ex lege Lotharii Imperatoris, quae extat in lege 8. lib. 2. tit. 18. legum Longobardarum obtinebat, ut, qui bona conferabant locis Deo dicatis, possent sibi eorumdem bonorum usumfructum, & ordinationem reservare. Cur non hac in significatione Eugenius constructorem monasterii, aut oratorii potuisse dominum appellare, quando usufructarius loco domini intelligitur, argumento l. 4. ff. de usufr. & quemadmodum? Adde, ibi dominii nomen pro jurepatronatus, seu pro jure presentandi commodè fuisse usurpatum, quemadmodum canonis ejusdem contextus aperte demonstrat. Canon 34. nullum negotium facisset, si ad integrum Gregorii Magni Epistolam exigatur. Erexit Cassiodorus Castellionense, seu Vivariense Monasterium: huic successione temporum aliud subjectum fuerat ex voluntate fundatorum, ita ut unum monasterium alteri subesset. Quidam laici homines nullam à fundatoribus causam habentes unum ab altero sejungere meditabantur. Rescripsit in ea causa Gregorius, rationis ordinem non pati, ut monasterium ipsum & maximè contra voluntatem fundatorum, ab eorum (id est monachorum monasterii principalis) dispositione ad arbitrium suum, presertim laica persona, subducatur. Quæ sane ita perspicue exposita nihil amplius habent cum propositione disputatione commune.

Ceterum cum memorata beneficiorum proprietas, ac conditio ex voluntate Ecclesiae erigentis, aliquando etiam ex voluntate fundatoris dimanet, contingere quandoque potest, ut justa interveniente causa Ecclesiae auctoritate probata, atque ubi fundatorum, aut eorum, qui fundatorum jure censentur, intersit, istorum accedente consensu, beneficium

extinguatur. Quid enim, si ex. gr. certum beneficium supprimi, aut alteri per suppressionem uniri, aut in alteram formam transferri publica Ecclesiae utilitas postulet, quemadmodum illa esset, quæ Clericorum seminaria erigenda ex beneficiariorum redditum collatione suadet, aut alia similis? Sunt istæ causæ publicis definitionibus comprobatae, cap. 8. de constitutione. Generaliter autem tempore circumscripta esse videntur beneficia, quæ Clericis conferuntur in illis Cathedralibus, vel Collegiatis Ecclesiis, in quibus non est determinatus numerus præbendarum, quarum propterea modò plures, modò pauciores pro arbitrio Episcopi, vel Capituli demonstrantur, argumento cap. 25. de præbendis, cap. 9. de constitutione, & cap. ult. de concess. præb. in 6. In istis enim Ecclesiis, quæ receptio nuncupantur, proptereaque tot recipientur in illas Clerici, quot alli possint juxta adiunctas, vel immunitas obventiones ex prudenti Episcopi, vel Capituli arbitrio, censentur beneficia non universa quidem, sed singula adeo personæ Clerici adhaerentia, ut cum ipsa beneficiarii persona quodammodo intereant; unde, mortuo Clerico beneficiario, non propriè vacare, sed cesare beneficium dicitur. Item tempore circumscripti erant personatus illi, qui olim vigebant apud Hispanos, nimis ita erecti, ut certæ personæ in illis instituendæ designarentur à fundatoribus, putata ex familia eorumdem fundatorum usque ad tertiam, vel quartam generationem, quæ beneficio potirentur, & quibus defunctis, ad Collegium tandem, vel Monasterium, vel Xenodochium bona beneficii devolverentur; ac dicebantur Personatus, quia bona directo concedebarunt Collegii, Monasterii, vel Xenodochii, reservato tamen quodam temporario jure gratia certarum personarum.

C A P U T IV.

De Beneficiis non scindendis.

Huc referendus est titulus 12. libri 3.

Postquam à communione bonorum Clerici recesserunt, novamque formam beneficia sumpsere, juxta ea, quæ diximus, emersit alia beneficiorum proprietas, qua sit, ut scindi inter plures nequeant, sed integra singulis Clericis concedantur. Non hec sermonem instituto de reali, ut vocant, divisione, qua ex uno duo beneficia perpetuè fiant; de hac enim inferioris commodior erit disserendi locus: loquor de divisione personali, qua sit, ut uno remanente beneficio, duo ipsius in solidum possessores evadant. Ne id facile admittatur, suadet ipsa voluntas illorum, qui beneficia exercent, sive Episcopi illi sint in comitiis Clericorum, tribuentes inter Clericos officia, & peculia alias universis communia, sive singulares fundatores, qui uni Clerico certum officium, certamque bonorum administrationem committi in ipso fundationis actu decreverunt. Ipsæ etiam generales canonum constitutiones istud ipsum confirmarunt, adeo ut in decretalibus Gregorii IX. titulus in hanc rem expressus habeatur, ut ecclesiastica beneficia sine diminutione conferantur. Scio, nonnullos ex Interpretibus uti ad id demonstrandum doctrina Hieronymi in can. 41. caus. 7. quæst. 1. ajentis: *In apibus princeps unus est, gressus unam sequuntur, Imperator unus, Judex unus in Provincia... singuli Ecclesiarum Episcopi, singuli Archipresbyteri, singuli Archidiaconi, & omnis ordo Ecclesiasticus suis Rectoribus nititur.* Mihi non placet adeo remota demonstratio, quando novi, non hunc fuisse Hieronymi scopum, neque ac propterea in hoc fragmendo Hieronymi mentem. Docebat sanctus vir Rusticum Monachum, qui

Tom. II.

C es-

esset dignitatum majorum, ac minorum officiorum ratio, eademque causa in distributione peculii Ecclesiastici olim facta, inconveniens erat, dividere præbendas inferiores, & sic turbare res jam optimè constitutas, quandō de præbendis majoribus dividendis nemo eosque cogitaverat. Ad hanc Concilii Turonensis sanctionem respexit Innocentius III. in cap. 20., juncto etiam 21. de præbendis, eandemque expressis verbis ratam habuit, ac confirmavit. His minimè obstat Bonifacii VIII. rescriptum in cap. 27. de præbend. in 6., ubi mentio fit Ecclesiarum, in quibus duplicis generis præbendas essent, nimirum & *integra*, & *dimidia*: etenim quæ *dimidia* præbenda dicuntur, non emerserant ex divisione præbenda facienda inter plures beneficiarios, sed potius tales appellabantur, quia redditus illarum nonnisi dimidium redditus ferebant in conspectu, & comparatione illarum, quæ *integræ* dicebantur. Adde his, fortè Bonifacium respexisse ad disciplinam illius ætatis, juxta quam imminuti fuere redditus plurium præbendarum, ut inde converteretur, quod detrahebatur, in distributiones quotidianas; unde præbendas illæ, à quibus certa portio detracta fuerat, *dimidia*, ceteræ, à quibus nihil detractum erat, *integra*, vocabantur, quin inde fiat, ut beneficia scinderentur.

Pertinent hæc ad regulam generalē firmandam, cui tamen adjiciendæ sunt probabiles exceptiones. Non ecquidem exceptionem dico inveniri, aut in ea specie, qua beneficij titulus uni Clerico concedatur, reservata pensione alterius Clerici gratia; aut in ea specie, qua Clerico beneficiario coadjutor detur cum jure futurae successionis; neutrō enim in casu beneficium patitur divisionem. Non in specie constitutæ pensionis gratia alterius; quamquam enim pensionarii Clerici ex recentioribus constitutionibus in multis quodammodo beneficiariorum jure censeantur, propriè tamen beneficiarii non sunt. Et revera pensionarius certam tantummodo percipit quā Lateranensi, in quo decretum est, ut

titatem à beneficiario præstandam, nullam tamen contrahit vel in ipsis bonis, & juribus beneficiariis administrationis communionem, nec insuper ulla fert beneficij onera; nec magis cum beneficiario dicitur dividere beneficium, quam dicitur juxta juris Romani principia dividere hereditatem, qui simplex legatus est, non coheres. Id ipsum observo in altera specie designati coadjutoris, ut potè qui nullam quoque communionem cùm beneficiario contrahit, & licet eundem adjuvet veluti Vicarius inferendis officii oneribus, nullum tamen refert ex beneficiariis redditibus emolumenntum. Aliis in causis colocandæ sunt exceptions memoratae regulæ; nimirum tūm locus esse poterit scissioni beneficiorum, cùm publica, & gravis Ecclesiæ utilitas id exposcat; quemadmodum contingit, vel ubi ita regimini populorum consularorum sit, vel ubi bonum pacis ita suadeat, vel ubi religio, & fides inde caperet incrementum; quod cùm aliquando obtinuerit in majoribus dignitatibus, etiam Episcopalibus, facilius obtinere etiam potuit in beneficiis minoribus; quandō exemplo majorum minora beneficia indivisa esse statutum est, dicto cap. 8. de præb.

Ut regimini populorum consuleretur, scimus aliquando duos Episcopos in una eademque Civitate fuisse designatos, videlicet cùm unam eandemque urbem incolerent diversarum gentium homines, iidemque diversis moribus utentes. Exemplum hujus generis suppeditat Ecclesiastica Geographia, ex qua constat, in una Rhodiensi Civitate duos Episcopos extitisse, quorum unus Rhodiensis, Colossensis alter, derivato nomine ex celebri illius Urbis Colosso, appellabatur. Eam Urbem tunc incolebant diversæ nationes, qua Græci, qua Latini, utentes diversis moribus, & ritibus, quibus opportunum fuerat duos Antistites præficere. Aliud tamen decimotertio sæculo placuit Innocentio III. in Concilio generali Lateranensi, in quo decretum est, ut

in simili specie non duo constituerentur Episcopi divisa æquè principaliter administratione, sed Episcopus unus tantum constitutus Vicarium sibi seligeret pro arbitrio instituendum, vel destituendum, cujas opera uteretur, cap. 14. de offic. judic. ordin. Decretum istud adeo generale Interpretibus visum est, ut abierit in disciplinam communem, & passim traditum receptumque fuerit inde, ne reali quidem beneficiorum divisioni occasionem sufficientem præberi ex multiplicatione populi utut diversis ex gentibus collecti, & diversis ritibus utentes. Ita receptum esse non inficior, imò & passim ita judicari solere apud ecclesiasticos judices: at quoties tota quæstio exigenda esset ad intimam Innocentii, & Lateranensis Concilii mentem, non defuerunt, qui recte observaverunt, eam sanctionem fuisse singularem, & temporum adjunctis accommodatam. Capta fuerat initio sæculi decimotertii à Latinis Urbs Constantinopolitana vi armorum, & cum eadem Urbe nonnullæ etiam finitimæ à potestate, & Imperio Græcorum erætæ; unde passim in Græcorum turbibus Latini numero plurimi in exercitu, in præsiis causa militiae & tuendi novi imperii, merebant, præter alios, qui commercii, aliave simili causa eò confluxerant. Latini iidem Latinos Episcopos in iis Provinciis constituendos esse duxerunt, atque inter cœteros Thomam Maurocenum Venetum Constantinopolitana Ecclesiæ præfecerunt. Nemo non intelligit, parum gratam esse potuisse Græcis hanc disciplinam, qui inter cœtera allegabant, se non regi facile posse à Latino Antistite, qui Græcos mores, & ritus pœnè ignorabat, à quibus moribus, & ritibus Græci iidem se nolle recedere profitebantur. Hinc & ipsi suos Episcopos sibi elegerunt, inter cœteros Michaëlem quendam Saurianum Constantinopolitano Patriarchatu donarunt. Deducta fuit causa ad Concilium Lateranense Innocentii III., & quamquam alias opportunum videri potuisset, duos Epis-

vilis imperii, nihil proponi posse, quod spectaret Cathedrarum Pontificalium dignitates, exemplo etiam exhibito Romanæ Sedis, quæ etiam post translatum Romanum Imperium ad Græcos jure semper obtinuit supra Græcas Ecclesias Principatum, nova Roma, qualis erat Urbs Constantinopolitana, veteri Romæ in sacro regimine perpetuo supposita. Itaque hoc prævidentes Lateranenses Antistites sub Innocencio III. satius consulendum censuerunt publicis utilitatibus, si duos Episcopos in Græcis urbibus creari prohiberent, utut gravis causa illorum designandoru[n] esse alias potuisset, permissa tantum constitutione Vicariorum, qui cum ab Episcopis Latinis omnino penderent, tūm o[mn]inem seditionibus aditum præcluderent.

Publicæ etiam in Ecclesiis curandæ pacis causa aliquando contigit, ut duo Episcopi in una diœcesi consistenter, quemadmodum liquet ex cap. I. de Parochiis; quod depromptum est ex codice Africana Ecclesiæ, can. 118., seu 119. apud Beveregium. Singularia multa in Africana Ecclesia sæculo quinto recepta sunt, ut Donatista multas turbas, seditionesque tunc concitantes reverterentur ad unitatem. Episcopi erant numero plures, qui à Catholicæ fide non tam ipsi recesserant, quam partem populi avocaverant, & Donatistarum erroribus inquinaverant. En divisas propterea Diœceses, ubi pars populi Donatistarum impietati serviebat sub Episcopo pariter Donatista, pars doctrinæ Catholicæ adhaerebat sub Episcopo Catholicæ. Agebatur de Donatistis ad concordiam revocandis. Quod difficultatem ingerere poterat, spectabat Episcopalem honorem, à quo admodum ægrè passi fuissent se decidere conversi Donatista Episcopi, quibus etiam nonnihil indulgere opportunum erat, ut indulgentia allecti partem illam populi, quam ad hereticos traxerant, alacrius ad fidem reducerent. Hinc caverunt Africani Patres, ut in una, eademque Diœcesi permitteretur duos Episco-

pos esse, nimirum Catholicum in vicem Donatistæ à Catholicis ipsis suffectum, quem removere ab adepta dignitate non decebat, & qui gregi suo præesse pergeret, nec non Donatistam unâ cum populi portione conversum, qui & eidem populi portioni, quam abductam reduxerat, præsideret. Sanctus Augustinus id jam proposuerat Donatistis in sermone 2. ante collationem Carthaginensem his verbis eosdem hereticos allocutus. *Episcopi vulpis esse nobiscum, estote: non vult populus duos Episcopos, nobiscum in hereditate fratres estote. Non propter honores nostros impiam pacem Christi... Ergo sublato errore de medio, tanquam pariete maceria contradictionis, & divisionis, es frater meus & ego sun frater tuus, ut ambo simus ejus, qui Dominus est & meus, & tuus. Hec dicimus anno pacis, non diffidentia veritatis.* Singularis hæc fuit œconomia in exemplum facilè non trahenda, quemadmodum alia etiam cum Donatistis ex dispensatione gesta sunt, uti liquet in conspectu canonum 3. & 4. caus. I. quæst. 4., quibus cautum, ut Donatista conversi ad ecclesiasticos honores sine discriminē admitterentur.

Denique ad incrementum divini honoris, & Religionis Christianæ duos aliquando Episcopos in una Cathedræ Ecclesia fuisse, demonstrat factum Valerii Hipponensis Episcopi, qui sanctum Augustinum in dignitatis suæ societatem adscivit, quemadmodum legimus in can. 12. eaus. 7. quæst. I. Incolumi Valerio Episcopo Coëpiscopus datus est Augustinus, ut in Cathedra non tam succederet, quam accederet. At observo, hac novam hanc, & extra ordinem celebrandam consecrationem ideo devenisse Valerium, quod Episcopalia munia, præsertim Evangelicam prædicationem, qua ad informandos fidelium mores, qua ad abigendas hereticorum novitates in Africa subortas, adornatam, non per alium melius posse, quam per Augustinum, exerceri, quotidiana specimina ab eo præbita demonstrabant. Dices fortassè, hæc potuisse per Augustinum infra Episcopalem ordinem consti-

tutum ministeria impleri. Oppono ego veterem Ecclesiarum consuetudinem, qua non ferebat, per inferiores administratores, Episcopo non impedito, eove magis præsente, Episcopale munus exerceri. Ergo agebatur de utilitate gravi Africana Ecclesiæ, quam curare potuisset Augustinus opera sua, præsertim evangelica prædicatione, sed cui duo obserbabant principia; primum, quod non patiebatur Presbyterum præsente Episcopo prædicare, alterum, quod Episcopatu donari non posset Augustinus cum Valerio in eadem Hipponeensi Civitate. Ab alterutra regula dispensandum Valerius censuit; maluit autem potius ab illa recedere regula, quæ unicum in unaquaque Ecclesia Episcopum postulabat, quam ab altera, quæ neminem in conspectu Episcopi ad obeunda Episcopalia officia admittebat. Quid verò diutius immorer in demonstrando, hanc fuisse singularem Valerii dispensationem, quando Augustinus idem jamdiu post Valerii prædecessoris obitum, similem sibi adsciscere coadjutorem detrectavit, licet senectute ingravescente confessus, & à populo enixè rogatus? Nullam aliam recusandi causam tunc allegavit, quam quod id ab ecclesiasticis Nicæni Concilii regulis abhorret, nimirum à canone 8. inter Nicænos. Replicavit quidem populus, objiciendo ipsius Augustini à Valerio probatum factum, & minimè pœnitendum exemplum. Attamen adversus eas postulationes excepti constans Augustinus, excusans se, quod nondum Nicænas regulas apprimè compertas tunc habuisset, à quibus propterea si semel ex ignoratione deflexerat, post adeptam illarum notitiam, rursus deflectere Episcopum non deceret. Hæc perspicuè deducuntur ex Epistola 213. inter Augusti-